



O‘ZBEKISTON RESPUBLIKASI NAMANGAN VILOYATI TO‘RAQO‘RG‘ON TUMANI HOKIMINING Q A R O R I

To‘raqo‘rg‘on sh. To‘raqo‘rg‘on ko‘chasi 16.

2023 - yil 25 - yanvar

39-6-85-Q/23

To‘raqo‘rg‘on tumani hokimligi

To‘raqo‘rg‘on tumanida 2023-yilda davlat ko‘chmas mulkidan foydalanganlik uchun ijara to‘lovining eng kam stavkalarini tasdiqlash to‘g‘risida

O‘zbekiston Respublikasi Vazirlar Mahkamasining “Davlat mulkini ijaraga berish tartibini takomillashtirish chora-tadbirlari to‘g‘risida” 2009-yil 8-apreldagi 102-sonli (O‘zbekiston Respublikasi qonun hujjatlari to‘plami, 2009 y., 15-son, 186-modda), shu haqdagi viloyat hokimining 2023 - yil 17 - yanvardagi 22-6-0-Q/23-sonli qarorlari hamda “Mahalliy davlat hokimiyati to‘g‘risida”gi O‘zbekiston Respublikasi Qonunining (O‘zbekiston Respublikasi Oliy Kengashining Axborotnomasi 1993-y., 9-son, 320-modda) 6 va 25-moddalariga asosan,

Q A R O R Q I L A M A N:

1. O‘zbekiston Respublikasi Davlat aktivlarini boshqarish agentligi tomonidan kiritilgan hamda O‘zbekiston Respublikasi Moliya vazirligi va O‘zbekiston Respublikasi Iqtisodiy taraqqiyot va kambag‘allikni qisqartirish vazirligi bilan 2022-yil 30-dekabrda kelishilgan Namangan viloyatida 2023-yilda davlat ko‘chmas mulkidan foydalanganlik uchun ijara to‘lovining eng kam stavkalari hamda ijara haqining eng kam stavkalariga qo‘llaniladigan koeffitsiyentlarni tasdiqlash to‘g‘risidagi taklifi, shu haqdagi viloyat hokimining 2023 - yil 17 - yanvardagi 22-6-0-Q/23-sonli qarori ma‘lumot va asos uchun qabul qilinsin.

2. Viloyat hokimining mazkur qarori bilan:

Namangan viloyatida 2023-yilda davlat ko‘chmas mulkidan foydalanganlik uchun 1 kv.metr maydonga qo‘llaniladigan ijara to‘lovining eng kam stavkalari (iqtisodiy sohalar va tarmoqlar bo‘yicha) 1-ilovaga muvofiq;

Namangan viloyatida 2023-yilda davlat ko'chmas mulkidan foydalanlik uchun ijara to'lovining eng kam stavkalariga qo'llaniladigan koeffitsiyentlar 2-ilovaga muvofiq tasdiqlanganligi;

Bo'sh turgan obyektlardan samarali foydalanishni tashkil etish markazining Namangan viloyat hududiy boshqarmasi (M.Qutbitdinov)ga qisqa muddatda viloyatdagi davlat tasarrufida bo'lgan ko'chmas mulk obyektlarini ijaraga berish yuzasidan avval tuzilgan ijara shartnomalariga mazkur qaror talablaridan kelib chiqib, tegishli o'zgartirishlar kiritish vazifasi topshirilganligi;

Namangan shahar va tumanlar hokimliklariga hududlardagi davlat tashkilotlari va mahalla fuqarolar yig'inlari bilan birgalikda balanslarida bo'lgan, foydalanilmay bo'sh turgan mulklardan samarali foydalanish, ularni ijaraga berish yuzasidan Bo'sh turgan obyektlardan samarali foydalanishni tashkil etish markazining Namangan viloyat hududiy boshqarmasiga doimiy taklif va ma'lumotlar kiritib borish vazifalari yuklatilganligi;

Viloyat Xalq ta'limi boshqarmasi (A.Mahkamov), Kasbiy ta'limni rivojlantirish va muvofiqlashtirish hududiy boshqarmasi (B.Tojimatov), Sog'liqni saqlash boshqarmasi (A.Iminov), Madaniyat boshqarmasi (K.Siddiqov), davlat mulkini balansida saqlovchi barcha muassasa va tashkilotlar rahbarlariga:

yil choragida kamida bir marta o'zining yuritishida bo'lgan davlat mulkini xatlovdan o'tkazsin va foydalanilmayotgan davlat mulki aniqlangan taqdirda 10 kun mobaynida Bo'sh turgan obyektlardan samarali foydalanishni tashkil etish markazining Namangan viloyat hududiy boshqarmasiga tegishli ma'lumotlarni taqdim etib borish vazifasi topshirilganligi;

Viloyat hokimligining matbuot va axborot boshqarmasi (F.Mamadaliyev), viloyat teleradiokompaniyasi (M.Maqsudov), "Namangan haqiqati" (A.Sattarov) va "Namanganskaya pravda" (O.Inamov) gazetalariga Davlat aktivlarini boshqarish viloyat hududiy boshqarmasi (B.Matmusayev) hamda Bo'sh turgan ob'yektlardan samarali foydalanishni tashkil etish markazining Namangan viloyat hududiy boshqarmasi (M.Qutbitdinov)ning takliflari asosida viloyatdagi bo'sh turgan, ijaraga beriladigan davlat tasarrufidagi obyektlar ro'yxatini ommaviy axborot vositalari orqali bepul yoritib borish tavsiya etilganligi;

Namangan viloyati hokimining 2022-yil 18-yanvardagi 40-6-0-Q/22-son qarori o'z kuchini yo'qotganligi ma'lumot va ijro uchun qabul qilinsin.

3. To'rao'rg'on tumani hokimining 2022 yil 21 yanvardagi 47-6-0/Q-son qarori o'z kuchini yo'qotgan deb hisoblansin.

4. Tuman hokimligining axborot xizmati (Z.Kenjaeva) mazkur qarorni "Davr

gazetasi”da e’lon qilinsin hamda tuman hokimligining rasmiy veb-saytiga joylashtirsin.

Belgilansinki, ushbu qaror rasman e’lon qilingan kundan boshlab kuchga kiradi.

5. Mazkur qarorning bajarilishini nazorat qilish tuman hokimining moliya iqtisodiyot va kamabag‘allikni qisqartirish masalalari bo‘yicha birinchi o‘rinbosari B.Qobulov zimmasiga yuklansin.

Tuman hokimi



A.Mansurov